

# ХҮЛЕЭЖЭ ШАДАХА ХЭРЭГТЭЙ

(ОРОД ОНТОХОН)

## I

Урдын урда сагта эгэшэ дүүнэр болохо петух тахяа хоёр ажаһуудаг һэн ха

Нэгэтэ петух саад соо гүйжэ ошоод, болоогүй байһан ногоон үхэр нюдэ тоншожо эхилбэ. Тиихэдэнь тахяа хэлэбэ

– „Петя, бү эдиш, үхэр нюдэнэй болотор хүлээгыш!

Петух тахяагайнгаа үгэ дуулангүй, тоншо-тоншоһоор, тон ехые эдеэд, арай гэжэ гэртээ хүрэбэ

– „Оо-ёо-ёо! Үхэхэмни гээшэ гү? Эгэшэмни, абарыш даа!“ – гэжэ ёлон бархирна. Тахяань петухтаа эм уулгажа, гэдэһэндэнь жэн табижа аргалба.

## II

Петух эдэгэхэлээрээ талада гараад, гүйгөөд, дэбхэрээд, халуудаад, хүлэрөөд, хүйтэн уһа уухаа горхон тээшэ гүйшэбэ. „Петя, хүйтэн уһа бү уугыш, һэрюүсэтэрээ хүлээгыш!“ – гэжэ тахяа хашхарба. Петух үгыень дуулангүй, хүйтэн уһа ехээр уужархиба. Тиихэлээрээ халууршаба, тахяань, тэрэнээ арай гэжэ гэртээ асарамсаараа, докторто ошобо. Доктор Петухта гашуун эм үгэбэ. Петух үни удаан үбдэжэ хэбтэбэ.

## III

Үбэл боложо байхада, Петя эдэгээд, хараба. Гол горхон мультһөөр хушагдаһан байжа, конькигаар халтирха дураниинь хүрэбэ. Тиихэдэнь тахяань: „Үй, хүлээгыш, Петя, голой хүсэд хүрэтэр хүлээгыш, мүнөө мультһэн үшөө нимгэн байна, уһанда унашахаш“,— гэжэ хорибо. Петух эгэшингээ үгэ дуулабагүй: мультһэн дээгүүр халтиран гүйжэ ябатарнь, мультһэн сүмэрөөд, петух уһа уруу “пүлд” гэшэбэ.